





元包數總義卷第一

蜀臨邛張

行成

述

楊子雲太玄其法本於易緯卦氣圖衛先生元包其法合於火珠林皆革其誣俗而歸諸雅正者也伏羲始作八卦因而重之爲六十四是名先天陳希夷所傳先天圖是也其數有二圓圖者天也自一陰一陽各六變爲三十二陰三十二陽者運行數



也方圖者地也八卦縱橫上下一卦爲主  
各變七卦者生物數也卦氣圖以六十卦  
爲主一爻當一策所謂乾坤之策三百六  
十當暮之日其於繫辭則序卦之義也主  
於運行之用者天而地之數故爲天地之  
大數也火珠林以八卦爲主四陰對四陽  
所謂天地定位山澤通氣雷風相薄水火  
不相射其於繫辭則說卦之義也主於生  
物之用者地而物之數故爲人物之小數  
也卦氣圖之用出於孟喜章句火珠林之  
用祖於京房易末流之弊雜亂於星官曆  
翁其事失之誣其辭失之俗故二君以其  
法爲書而歸之雅正也太玄日始於寅義  
祖連山元包卦首於坤義祖歸藏由是三  
易世皆有書矣唐蘇源明作元包傳李江  
爲之注徒言其理未達其數夫天下之象



生於數而數生於理未形之初因理而有  
數因數而有象既形之後因象以推數因  
數以推理論理而遺數譬如作樂而棄音  
律造器而捨規矩雖師曠之聰工倕之巧  
安能無失哉僕本為康節之學患其難明  
乃徧採古之言易者而旁通之因識元包  
之旨不敢自私輒具述之以示同好皇宋  
紹興庚辰五月晦張行成謹序

元包卦次

太陰

自坤七變成比自比七變復成坤餘卦皆然包止用其七

變者用其顯也八卦交變自下而上至五世則自上而下也

坤、復、臨、泰、大壯、夬、需、比

太陽

乾、垢、遯、否、觀、剝、晉、賁

少陰

包以坤為首陰也易以乾為首陽也陰生於上陽生於下



故包先長後少後長  
易先長後少

兌、困、萃、咸、蹇、謙、小過、歸妹

少陽

艮、賁、畜、損、睽、履、中、寧、漸

仲陰

離、旅、鼎、未濟、蒙、渙、訟、夙

仲陽

坎、節、屯、既濟、革、豐、明夷、師

孟陰

巽、畜、家人、益、无妄、噬嗑、頤、蠱

孟陽

震、豫、解、恒、升、井、姤、隨

元包卦變

周易乾坤二卦  
餘卦類推易主爻而用七變而反生十二變而復本

乾

巳龍

辰龍

卯龍

寅龍

丑龍

子龍

坤

亥龍

戌龍

酉龍

申龍

未龍

午龍



元包乾坤二卦包主卦而用七變而歸魂十四變而反本

乾 一 上為世 五世 變剝 四世 變觀 三世變否 二世 變遁 一世 變垢

若上九變遂成純坤無復乾性矣乾

之世爻上九不變九返於四而成離

則明出地上陽道復行故遊魂為晉

歸魂於大有則乾體復於下矣自大

有又七變焉而乾體復純也乾坤上交不變

遊魂於離坎則為晉需若上交反生則為復垢也蓋八卦與六爻之用不

同在卦者十四變而復本在爻者十二變而復本

坤 一 上為世 五世 一四世變 三世變泰 二世 一世 爻不變 變夬 大壯 下體成乾 變臨 變復

若上六變遂成純乾無復坤性矣坤

之世爻上六不變六返於四而成坎

則雲上於天陰道復行故遊魂之卦

為需歸魂於比則坤體復於下矣自

比又七變焉而坤體復純也

初九為復當子漸變至上九成乾當巳者



自坤變而來長數也初九爲垢當一世漸變至五世成剝者自乾變而往消數也長數者氣由虛而造形未有一之卦也故乾坤各六變而互生又六變而復本體消數者形隨氣而返虛已有一之卦也故乾坤各七變而歸魂又七變而復本體未有一者六爻之用氣之用也故六變已有一者八卦之用形之用也故七變六變者得十二卦七變者得十卦是故先天圖无一之卦各六變有一之卦各五變也文王之易所主在爻乾變成坤坤變成乾屯升成蒙蒙降成屯飛伏升降不存其本六十四卦莫不皆然元包者歸藏易也所主在卦一卦七變而歸魂則卦體復於下又七變而復本矣不互變也犬抵主在爻者以互卦爲體主在卦者以世爻爲體以互卦爲體



者用十二通乎晝夜之道而知也夫變不  
存一而能不失本體非若太極之神周流  
六虛兼體動靜者何以及此哉

先天自坤變乾得三十六陽餘十二陰不  
盡自乾變坤得三十六陰餘十二陽不盡  
者存象之一以十二爲一也乾坤各六變  
六十三卦而六爻不動者存卦之一以六  
爲一也元包八卦上交不變者存爻之一  
以一爲一也天地人物大小之用不同而  
皆存本故能生生不窮一而不變則窮兩  
而相易則通陰陽相爲用用九以六故乾  
之用在離用六以九故坤之用在坎參同  
契曰易謂日月坎離者乾坤之妙用二用  
無爻位周流行六虛是故乾坤互變坎離  
不動當遊魂爲變之際各能還其本體也  
凡八卦遊魂之變乾坤用坎離坎離用乾



坤震艮用巽兌巽兌用震艮皆為陰陽互  
用以至六十四卦若上交不變則皆然是  
故諸卦祖於乾坤皆有乾坤之性也其正  
以坎離為用者惟乾坤為然坎離肖乾坤  
故用乾坤震巽艮兌體雖變而純可與共  
學其一不變自明而誠遊魂之際為頤中  
孚大小過則亦肖乾坤坎離也

先天天卦自乾變坤得一百九十二陰而  
成六十四卦自坤變乾得一百九十二陽  
亦成六十四卦總百二十八卦地卦縱橫  
各六十四亦總百二十八卦元包八卦之  
變七變而歸魂八卦成六十四卦自歸魂  
之卦又七變而復本八卦亦成六十四卦  
共百二十八卦也卦有六十四天地陰陽  
幽顯互用皆成一百二十八故甲子六十  
而百二十所以人皆有百二十年之壽得



其半者爲下壽也卦百二十八者八之十六也甲子百二十者八之十五也十五爲運行之數十六爲生物之數其一者地之本在先天爲八正卦在元包爲八純卦之體也八卦每卦十四變重者五變實得十卦總八卦而八十通之實不同者六十四卦而已故地體足數八十實用者八八也坤之退數即乾之進數乾之退數即坤之進數所不同者爻變六爻皆變卦變上爻不變六爻皆變者氣之用也一爻不變者形之用也

元包六十四卦用世爻者八卦變爲六十四卦也周易六十四卦用動畫者六十四卦變爲四千九十六卦也

元包始於坤而用其消數變而已定之後知以藏往也周易始於乾而用其長數動



而將變之初神以知來也是故坤一世為復即乾初九之潛龍至五世皆同易用本卦而取動畫之象為占者觀其爻動而將變之初包用變卦而取世爻之象為占者觀其爻變而已定之後也以乾坤言之它卦可類推矣

後天卦

依周易卦序

乾坤

頤大過

坎離

中孚小過

已上八卦皆飛伏匹對

泰否

隨蠱

漸歸妹

既濟未濟

已上八卦飛伏升降皆對

屯蒙

需訟

師比

小畜履

同人大有

謙豫

臨觀

噬嗑賁

剝復

无妄大畜

咸恒

遁大壯

晉明夷

家人睽

蹇解

損益

夬垢

萃升

困井

革鼎

震艮

豐旅

巽兌

渙節



已上四十八卦皆升降反對

先天卦依先天圖卦序

乾坤 夬剝 大有比 大壯觀 小畜豫

需晉 大畜萃 泰否 履謙 兌艮

睽蹇 歸妹漸 中孚小過 節旅

損咸 臨遁 同人師 革蒙 離坎

豐渙 家人解 既濟未濟 賁困

明夷訟 无妄升 隨蠱 噬嗑井

震巽 益恒 屯鼎 頤大過 復垢

右行自乾坤左行至復垢三十二匹

對每兩卦各六變而互生又六變而

復本不存一而變者氣之變也為生

氣以變時

坤復 剝頤 比屯 觀益 豫震

晉噬嗑 萃隨 否无妄 謙明夷

艮賁 蹇既濟 漸家人 小過豐



旅離 咸革 遁同人 師臨 蒙損  
 坎節 渙中孚 解歸妹 未濟睽  
 困兌 訟履 升泰 蠱大畜 井需  
 巽小畜 恒大壯 鼎大有 大過夬  
 垢乾

右行從坤至垢左行從復至乾各五  
 變而極存一而變者為物隨氣而變  
 也其不變之一為地之一柔一剛物  
 之根種也其一在下者物之命也故  
 隨氣流轉不能遊魂而歸魂與八正  
 卦之變為異自坤復至乾垢五變而  
 相交自乾垢至坤復又五變而復本



否	遯	訟	垢	姤	夙	履	乾
萃	咸	困	遁	隨	革	兌	夬
晉	旅	未濟	鼎	噬	離	睽	大有
豫	過	解	恒	震	豐	歸妹	大壯
觀	漸	渙	巽	益	家人	中孚	小畜
比	蹇	坎	井	屯	既濟	節	需
剝	艮	蒙	蠱	頤	賁	損	大畜
坤	謙	師	升	復	明夷	臨	泰

右先天方圖橫數一卦變七卦其本卦皆在下



泰	臨	翼	復	升	師	謙	坤
大畜	損	賁	頤	蠱	蒙	艮	剝
需	節	齋	屯	井	坎	蹇	比
畜	寧	家	益	巽	渙	漸	觀
大壯	歸	豐	震	恒	解	小過	豫
夬	兌	革	隨	大過	困	咸	萃
乾	履	同人	姤	垢	訟	遯	否

余堂刊

右先天方圖縱數一卦變七卦其本卦皆在上  
 皆以乾一兌二離三震四巽五坎六艮  
 七坤八為次

元包卦

元包卦用六十四著用三十三共一百之  
 數坤數也坤數以上位三十六為天之用  
 下位六十四為地之體也

坤<sup>八</sup>復<sup>八</sup>臨<sup>八</sup>泰<sup>八</sup>大壯<sup>四</sup>夬<sup>二</sup>需<sup>六</sup>比<sup>六</sup>共七十六  
 兌<sup>二</sup>困<sup>二</sup>萃<sup>八</sup>咸<sup>二</sup>蹇<sup>七</sup>謙<sup>七</sup>小過<sup>四</sup>歸<sup>四</sup>共七十六



乾一垢五遯七否八觀八剝七晉八泰三共六十八

艮七賁七畜七損七睽三履二寧五漸七共六十八

離三旅七鼎五未濟六蒙七渙六訟六同三共六十八

巽五畜五家三益四姤四噬四頤四蠱五共六十八

坎六節二屯六蠱四濟三革二豐三翼三師六共七十六

震四豫八解六恒五升五井六遁五隨四共七十六

八卦每卦五變而返存一不變七世

而歸魂者八卦自變也其不變之一

在上為物之性故遊魂而歸魂也每

卦七變而歸魂又七變而復本

元包用法

先生曰五行之數一曰水二曰火三曰木

四曰金五曰土此其生也六曰水七曰火

八曰木九曰金十曰土此其成也凡五行

生成之數五十有五肇於勿芒動於冥默

物休咎於未形辨憂虞於既惑鬼出神入





而變化無窮窮幽洞靈而生成不息體混  
茫之自然與天地而為極寔所謂微妙玄  
通深不可測故仲尼曰天一地二天三地  
四天五地六天七地八天九地十天數五  
地數五五位相得而各有合天數二十有  
五地數三十凡天地之數五十有五此所  
以成變化而行鬼神矣易用四十九策者  
窮少陽也包用三十六策者極太陰也窮

少陽蓋尚文也極太陰蓋尚質也文質之  
變數之由生陽不窮九陰不極八明大衍  
之不可過也陽之策一十有二陰之策二  
十有四凡三十有六蓋取數於乾坤五行  
八卦同符合契共而為一曰太一分而為  
兩曰兩儀揲之以三曰三才營之以四曰  
四時歸餘於終取象於閏數之閏也在於  
左陽之動也數之萌也在於右陰能生也



混茫既判、天地闢矣、天地既闢、三統分矣、

三統既分、四時序矣、四時既序、閏斯生矣、

正閏相生、數無窮矣、元包以五十為土者、天地之數五十五也、

太玄以五五為土者、大衍之數五十五也、

### 元包著數

元包三十六著、六用成一卦、共二百一十

六著、六十四卦、通計一萬三千八百二十

四著、

得先天生物數十之一、無天之太極

地之四卦數、先天為天地生物數、元

包為物數、正如經世開物數、八月

而用二百四十日、閉物數、四月而用

十二日也、

### 存本數

一揲成一爻、每揲先存二十四著、一卦計

百四十四著、通六十四卦計九千二百一



十六著

每卦於乾策二百一十六之中存坤  
之百四十四蓋三分用一也易合乾  
坤之策以當朞之日元包存坤策於  
乾策之中易以太極為主包以坤為  
主易天地各四體而兼三用包存四  
體而用二用用之中又有用不用者  
天地與人物之數大小不同也先天  
存四卦數九千二百一十六而開物  
數九萬二千一百六十者六十四卦  
皆為用也元包六十四卦存數亦九  
千二百一十六而用策二千八百八  
十者止用乾坤二卦也

歸奇數

三畫卦老陽九三女十二三男十五老陰  
十八



六畫卦老陽自重一十八老陽重三女二  
十一老陽重三男二十四三女自重亦二  
十四老陽重老陰二十七三男重三女亦  
二十七老陰重三女三十三男自重亦三  
十老陰重三男三十三老陰自重三十六  
自十八至三十六每變加三凡六變  
而有七數又二十四二十七三十中  
之三變各重一數則十數也歸奇數  
自十八而起三十六也三十六而終六  
六也天以三分故太玄羸贊始於十  
八策終於六成故太玄踦贊成於三  
十六策通之而五十四故泰積之要  
殆於十有八策終於五十有四而元  
包歸奇起於十八策用數終於五十  
四策也

十八策 一卦



乾 老陽自重

二十一策 總六卦共一百二十六

夬 大有 小畜 履 同人 垢 老陽

重三女

二十四策 總十五卦共三百六十

大壯 需 大畜 无妄 訟 遁 老陽

重三男者六卦

兌 睽 中孚 離 革 家人 巽

大過 鼎 三女自重者九卦

二十七策 總二十卦共五百四十

泰 否 老陰老陽重者二卦

漸 旅 咸 渙 未濟 困 益

噬嗑 隨 歸妹 節 損 豐 既濟

賁 恒 井 蠱 三男女重者十八卦

三十策 總十五卦共四百五十

觀 晉 萃 升 明夷 臨 老陰重三者六卦



艮 蹇 小過 坎 蒙 解 震

頤 屯 三男自重者九卦

三十三策 總六卦共一百九十八策

剝 比 豫 謙 師 復 老陰重三男

三十六策 一卦

坤 老陰自重

六十四卦總一千七百二十八得二百八十八之六用策得二百八十八

之十其六者為參天十者為參天兩地通四千六百有八折而十之得四萬六千八十則易軌所用四會萬物之數也元包得先天生物數十分之一存二分用一分乃得易軌用數十分之一又去其三分用其五分也

卦策數

三畫卦老陰一十八三男二十一三女二



十四老陽二十七

六畫卦老陰自重得三十六老陰重三男  
得三十九三男自重得四十二老陰重三  
女亦得四十二老陽重老陰得四十五三  
男重三女亦得四十五三女自重得四十  
八老陽重三男亦得四十八老陽重三女  
得五十一老陽自重得五十四

自三十六至五十四每變加三凡六  
變而有七數又四十二四十五四十  
八中之三變各重一數則十數也故  
數有十而天用止于七七數之中止  
有六變其一則存本也歸奇自十八  
而起六三也三十六而終六六也策  
數自三十六而起六六也五十四而  
終六九也自三六至六六自六六至  
六九皆得十九天地之終數也相交



共一而三十七為天獨用之數故萬物本乎天也自一至萬天之五也細數得三十七

### 三十六策

坤 老陰自重

三十九策 總六卦共二百三十四策

剝 比 豫 謙 師 復 老陰重三男

四十二策 總十五卦共六百三十策

觀 晉 萃 升 明夷 臨 老陰重三女

艮 蹇 小過 坎 蒙 解 震

頤 屯 三男自重

四十五策 總二十卦共九百策

泰 否 老陰老陽自重者二卦

漸 旅 咸 渙 未濟 困 益

噬嗑 隨 歸妹 節 損 豐 既濟

賁 恒 井 蠱 三男女者十八卦

四十八策 總十五卦共七百二十策



大壯 需 大畜 无妄 訟 遁

重三男者六卦

兌 睽 中孚 離 革 家人 巽

大過 鼎 三女自重者九卦

五十一策 總六卦共三百六策

夬 大有 小畜 履 同人 垢 老陽

重三女

五十四策

乾 老陽自重

六十四卦總二千八百八十策則坤

之策百四十四偶之而又十析之者

也易一卦除掛一數皆得二百八十

八著則先天四位之卦數也惟坤用

策與歸奇各半元包兩卦共存二百

八十八析而十之乃得六十四卦之

用策故不用者為用之宗也在天地



而一在人物而十者一甲析于十干也包以坤爲首地易也地者天之用去十三著而用三十六者從用數也坤體本四六加二用爲六六則以老陽四九之體爲老陰六六之用也是故乾一爻之策三十六乾坤二爻去掛一之奇亦三十六乾之奇十二者三四也坤之奇二十四者三八也以四合八爲十二故三十六在乾爻爲四之九在奇策爲十二之三十二均之乃爲二六奇數者物數也以乾三少合坤三多乾四坤八陽一陰二陰得乎陽物乃生焉生物本乎陽故二爻之奇乃得乾一爻之策坤以六六用乾四九存其四六之體用乾二六之用是故一父三男一母三女陽畫



皆十二陰畫皆二十四而元包三十  
六著每用先存二十四也總六用成  
一卦得乾坤二卦歸奇之著而合乾  
一卦之用策故地爲天之用也

元包數總義卷第一



